

Broj: 05-37-869/20
Sarajevo, 21.04.2020. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
DOM NARODA

Ul. Hamdije Kreševljakovića br. 3

SARAJEVO

N/r g-din Izmir Hadživdić, sekretar

Veza: Akt broj: 05/2-02-50/20 od 18.02.2020. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Priljeno: 21-04-2020			
Org. jed.	Broj	Priloga	Vrijednost
05	2-02-	50	20

X1

PREDMET: Odgovor na delegatsko pitanje, dostavlja se-

Delegat Rasim Kantarević je na 5. sjednici Doma naroda Parlamenta Federacije Bosne i Hercegovine, održanoj dana 13.02.2020. godine, postavio delegatsko pitanje, koje glasi:

1. "Prema revizorskom izvještaju o radu Ustavnog suda FBiH, Ustavni sud FBiH je donio 49. rješenja o neprovođenju Odluka Ustavnog suda a da nadležni organi presude nisu proveli, niti je tužiteljstvo podnijelo adekvatne mjere protiv onih koji nisu proveli ove presude, uzimajući u obzir da su svi organi vlasti u FBiH dužni u skladu sa svojim ovlaštenjima po Ustavu FBiH i Zakonom o postupku pred Ustavnim sudom provoditi Odluke Ustavnog suda a da je premijer Vlade FBiH odgovoran za provođenje tih odluka zanima me koliko je od tih odluka se nije provelo na nivou Federacije i koje su to odluke. Obrazloženje: U više navrata sam u ovom Domu naroda u proteklom mandatu postavljao pitanja vezano za implementaciju presuda Ustavnog suda 22/04, maja 2005. godine i presude 8/13 od 01. oktobra 2013. godine a vezano za provođenje presude u Zakonu o pravima branilaca i članova njihovih porodica, a koji je vezano za ostvarivanje prava ranjenih, poginulih, nestalih pripadnika Narodne odbrane Autonomne pokrajine zapadna Bosna i njihovih članova porodica. Ustavni sud Federacije je u svojim presudama jasno utvrdio povredu načela jednakosti pred Zakonom i načelo zabrane diskriminacije u odnosu prema djeci i drugim članovima poginulih boraca Narodne odbrane Zapadna Bosna, niti posljednja izmjena ovog Zakona 2017. godine nije obuhvatila provođenje ovih presuda. Uzme li se u obzir da samo jedna neprovedena presuda Ustavnog suda predstavlja udar na zakonodavni pravni poredak da su sve odluke Ustavnog suda konačne i obavezujuće postavlja se pitanje zašto se ne poduzimaju adekvatne mjere protiv odgovornih onih koji ne provode ove mjere. Isto tako, neophodno je postavljati se pitanje, ako se ne provode presude Ustavnog suda kako i na koji način obezbijediti jednakost pred Zakonom i poštivanje Ustavne odredbe. Zahvaljujem."

U vezi sa navedenim delegatskim pitanjem, dajemo slijedeći odgovor:

U cilju implementacije presude **Ustavnog suda Federacije BiH broj U-22/04 od 04.05.2005. godine**, koja je objavljena u „Službenim novinama Federacije BiH“, broj 44/05 i **presude Ustavnog suda Federacije BiH broj U-8/13 od 01.10.2013. godine** koja je objavljena u „Službenim novinama Federacije BiH“, broj 95/13, kojima je Ustavni sud Federacije BiH utvrdio da član 1. Zakona o izmjenama i dopunama Zakona o pravima branilaca i članova njihovih porodica (“Službene novine Federacije BiH”, broj 70/07), te čl. 2., 3., 4. i član 36. tačka 1. i čl.43. i 45. Zakona o pravima branilaca i članova njihovih porodica (“Službene novine Federacije BiH”, br. 33/04, 56/05, 70/07 i 9/10), nisu u skladu sa Ustavom Federacije BiH, kao i zbog potrebe hitnog izvršenja Preporuke Komiteta za ljudska prava UN, br. 1917/2009, 1918/2009, 1925/2009 i 1953/2010 u predmetu: Prutina, Zlatarac, Kozica i Čekić, usvojen je i donesen Zakon o izmjenama i dopunama Zakona o pravima branilaca i članova njihovih porodica po skraćenom postupku.

Parlament Federacije BiH, na sjednici Predstavničkog doma od 25.07.2017. godine i na sjednici Doma naroda od 21.09.2017. godine usvojio Zakon o izmjenama i dopunama Zakona o pravima branilaca i članova njihovih porodica koji je objavljen u „Službenim novinama Federacije BiH“, broj 90/17.

U Zakonu o izmjenama i dopunama Zakona o pravima branilaca i članova njihovih porodica, brisan je član 21. stav 4. navedenog zakona. Brisanjem člana 21. stav 4. Zakona o pravima branilaca i članova njihovih porodica („Službene novine Federacije BiH“, br. 33/04, 56/05, 70/07 i 9/10), ukinuta je obaveza članova porodica nestalih branilaca da svoje nestale članove porodice proglase umrlim, kako je to preporučio Komitet za ljudska prava UN. Dakle, Ministarstvo je u potpunosti ispoštovalo Mišljenje Komiteta za ljudska prava UN.

Dokaz:

1) Presuda Ustavnog suda Federacije BiH broj U-22/04 od 04.05.2005. godine („Službene novine Federacije BiH“, broj 44/05);

2) Presuda Ustavnog suda Federacije BiH broj U-8/13 od 01.10.2013. godine („Službene novine Federacije BiH“, broj 95/13);

3) Zakon o pravima branilaca i članova njihovih porodica (“Službene novine Federacije BiH”, br. 33/04, 56/05, 70/07 i 9/10);

4) Zakon o izmjenama i dopunama Zakona o pravima branilaca i članova njihovih porodica („Službene novine Federacije BiH“, broj 90/17).

Presudom Ustavnog suda Federacije Bosne i Hercegovine, broj U-22/12 od 18.12.2012. godine, koja je objavljena u “Službenim novinama Federacije BiH”, broj 12/13, i **presudom Ustavnog suda Federacije Bosne i Hercegovine, broj U-52/13 od 11.02.2014. godine**, koja je objavljena u “Službenim novinama Federacije BiH”, broj 18/14, utvrđeno je da Uredba o privremenom preuzimanju dijela funkcija prijašnjeg Federalnog ministarstva odbrane iz oblasti vojnih evidencija (“Službene novine Federacije BiH”, broj: 52/13), nije u saglasnosti sa Ustavom Federacije Bosne i Hercegovine. Presudom Ustavnog suda Federacije BiH broj U- 53/12 od 11.02.2014. godine, koja je objavljena u “Službenim novinama Federacije BiH”, broj 18/14 utvrđeno je da Uredba o privremenom preuzimanju dijela funkcija Federalnog ministarstva odbrane iz oblasti vojnih evidencija iz oblasti vojnih evidencija (“Službene novine Federacije BiH”, broj: 67/13) nije u saglasnosti sa Ustavom iz razloga što prenos funkcija prijašnjeg Federalnog ministarstva odbrane treba izvršiti isključivo putem zakona. Osporenom uredbom bilo je uređeno pitanje preuzimanja dijela funkcija prijašnjeg Federalnog ministarstva odbrane koja se odnose na vojne evidencije iz oblasti vojne obaveze kao i uposlenika koji su zatečeni na poslovima za pitanja evidencija iz oblasti vojne obaveze. Prema ocjeni suda osporenom Uredbom regulisana je materija koja u potpunosti spada u nadležnost Parlamenta Federacije BiH, a ne u nadležnost Vlade Federacije BiH. Iz navedenih razloga Ministarstvo od 2007. godine upućuje urgencije prema Federalnom ministarstvu pravde za donošenje izmjena i dopuna člana 13. Zakona o federalnim ministarstvima i drugim tijelima federalne uprave (posljednja urgencija broj: 05-02-106/17 od 09.01.2017. godine).

U vezi sa provođenjem presude izvršene su izmjene i dopune Zakona o ministarstvima i drugim tijelima federalne uprave u dijelu koji se odnosi na nadležnost ovog Ministarstva u pogledu pitanja vojnih evidencija. Nacrt zakona o izmjenama i dopunama Zakona o federalnim ministarstvima i drugim tijelima federalne uprave razmatrala je Vlada Federacije BiH na 30.sjednici održanoj 20.06.2013. godine i uputila u parlamentarnu proceduru kao Prijedlog zakona o izmjenama i dopunama Zakona o federalnim ministarstvima i drugim tijelima federalne uprave. Zastupnički dom Parlamenta Federacije BiH je na 21. sjednici održanoj 23.07.2013. godine usvojio Prijedlog navedenog zakona uz dva amandmana i isti s podnesenim amandmanima uputio Domu naroda Parlamenta Federacije BiH na usvajanje. Dom naroda Parlamenta Federacije Bosne i Hercegovine je na 17. sjednici održanoj 12.09.2013. godine odlučio da ovaj zakon razmatra u formi nacrt zakona, te je donio Zaključak kojim prihvata Nacrt zakona o izmjenama i dopunama zakona o federalnim ministarstvima i drugim tijelima federalne uprave kao dobru osnovu i zadužio Vladu Federacije BiH da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda Parlamenta Federacije BiH.

Zakonom o izmjenama i dopunama Zakona o pravima branilaca i članova njihovih porodica ("Službene novine Federacije BiH", broj. 90/17), izmijenjeni su članovi 2,3 i 4 Zakona, odnosno definisan je pojam branioca kao l lica koja po osnovu date definicije ostvaruju prava po ovom Zakonu.

S poštovanjem,


MINISTAR
Doc. dr. Salko Bukvarević

Dostavljeno:
1. Naslovu (1X)
2. a/a.